



- SENAT -

Broj: IUS-SENAT-11-129/2013
Sarajevo, 18.01.2013. godine

Na osnovu člana 95. stav (6) i 126. Zakona o visokom obrazovanju - prečišćeni tekst ("Službene novine Kantona Sarajevo" broj: 22/10), Senat Internacionalnog univerziteta u Sarajevu, na svojoj 27. sjednici, održanoj 18.01.2013. godine, usvojio je sljedeći

PROGRAM

*mjera za stvaranje uvjeta za napredovanje akademskog i neakademskog osoblja
na Internacionalnom univerzitetu u Sarajevu*

I

Internacionalni univerzitet u Sarajevu (u daljem tekstu: Univerzitet) podržava profesionalni razvoj i usavršavanje akademskog osoblja na različite načine, te u tom cilju donosi sljedeći set mjera za stvaranje uvjeta za napredovanje akademskog osoblja:

1. organizira pedagoško – psihološko – metodičko - didaktičko obrazovanje za akademsko osoblje Univerziteta, na kojem se stječu kompetencije za rad u nastavi;
2. organizira pristupna predavanja za akademsko osoblje koje se prvi put bira u akademska zvanja;
3. finansira sudjelovanja na seminarima, naučnim i stručnim skupovima i okruglim stolovima u zemlji i inostranstvu;
4. podupire naučne skupove kojima je organizator, suorganizator ili domaćin;
5. organizira i/ili sufinansira radionice i kurseve za akademsko osoblje;
6. omogućuje korištenje slobodne studentske godine ili semestra u svrhu naučnog rada ili boravka na inostranim univerzitetima;
7. vodi računa o nastavnom opterećenju nastavnika, broju studenata u grupi, mentorstvima na završnim i diplomskim radovima i sl.
8. Provodi i prati rezultate interne studentske ankete (vrednovanje od strane studenata) i evaluacije;
9. finansira dio ili puni iznos školovanja akademskog osoblja upisanog na doktorske ili magistarske studije;
10. pruža i ostale mjere na osnovu individualnih zahtjeva uposlenika, o kojima odlučuje Rektor ili Upravni odbor;
11. motiviše osoblje na ispunjenje uslova za izbor u više zvanje.

II

Univerzitet podržava profesionalni razvoj i usavršavanje i neakademskog osoblja na različite načine, te u tom cilju donosi sljedeći set mjera za poboljšanje rada, i to:

1. Odobrava i podstiče učešće u seminarima i stručnim skupovima i okruglim stolovima domaćeg/međunarodnog karaktera;



2. finansira sudjelovanja na seminarima i stručnim skupovima i okruglim stolovima u zemlji i inostranstvu;
3. finansira dio ili puni iznos troškova školarine neakademsom osoblju upisanom na doktorske ili magistarske studije na Univerzitetu;
4. organizira i/ili sufinansira radionice i kurseve stručnog osposobljavanja za neakademske osoblje;
5. Provodi i prati rezultate interne studentske ankete (vrednovanje od strane studenata) i evaluacije.

III

Sve mjere iz tačke I i II ovog Programa koje se tiču finansijskih davanja Univerziteta izvršavat će se u skladu sa pravima i postupkom određenim posebnim općim aktima, i to:

- 1) Pravilnikom o poticajima i finansijskoj podršci za izdavanje knjiga, učestvovanja na konferencijama i profesionalnom usavršavanju na IUS-u;
- 2) Pravilnikom o izdavačkoj djelatnosti na IUS-u;
- 3) Pravilnikom o cjeloživotnom učenju;
- 4) Pravilnikom o priznanjima i
- 5) Posebnim odobrenjem rektora ili Upravnog odbora.

IV

Ovaj Program stupa na snagu danom donošenja.

REKTOR

Prof. dr Özer ÇINAR

Dostavljeno:

- 1 x Ministarstvo za obrazovanje, nauku i mlade Kantona Sarajevo
- 1 x Fakulteti
- 1 x Ured za osiguranje kvaliteta
- 1 x a/a